

# PAYMENT FOR ECOSYSTEM (PES) SCHEME

## SINGRONGBEWAL SINGANIRANG

**1) Gimik dakgipa ripinggimin buring-bolgrimrangan ia scheme-ni ningo dakchakaniko man'a dorgasto gale nina gita man'genma?**

Inghing, jerangan ong'telaigipa buring-bolgrimko simsak-ripinganio, badingchivalgnina ba gipin ge'anirangko ge'chap-ra'chapanirang (jekai gue ge'ani, Pine bolrangko ge'ani, bol sal bolrangko ge'ani, cashewnut ge'ani, kopi (Coffee) ge'ani, rubber ge'ani ugitarang dongja) ua indakgiparangan dakchakaniko man'a gita dorgastoko galna man'aigen.

**2) Ango/chingo apalbegipa/dalbegipa ripinggenggipa buring-bolgrim donga, indiba anga/chinga uni dalaniko/apalaniko namedake uima'sija indiba chinga PES scheme-o bako ra'pana gita ska. Anga/chinga maiko dakgen?**

Je nang'ni ripinggenggipa ong'telaigipa buring-bolgrim, jenan na'a dorgastoko gale nina gita amengachim, uni dalani/apalaniko na'a name dake ui'jagenchimomangba, PES scheme-na gale nina gita man'aigen. Na'a nang'ni galenggipa dorgastoni lekka paltako, buring-bolgrimni dalani/apalaniko lam-sam janape on'a gita man'gen. Buring-bolgrimni dalani/apalaniko toe nina gita, ja'mano Meghalaya Basin Management Agency (MBMA)-ni gita dolsako watatskagen.

**3) Angni ripinggenggipa buring-bolgrimara gopram ba bebe ra'ani/toromni dakbewal-ka'bewalrangko dakram-ka'ram biap ong'a. Ian dakchakaniko man'a kragipa ong'aigenma?**

Oe, ong'telaigipa buring-bolgrim ong'genode uan dakchakaniko man'a gita kragipa ong'a.

**4) Ia program-o bakko ra'anichi angara/chingara buring-bolgrimni nokgipa ong'aniko gima'atgenma?**

Inghing, buring-bolgrimni nokgipa ong'aniko maming dakeba dingtangatajawa.

**5) Scheme-ni ningo dakchakaniko man'a gita, on'gimin pangchakanio (guideline)-o buring-bolgrimrangko bilsa 30-na ripingna gita aganna. Tangka-paisani gita dakchakanikoba bilsa 30-na kingkingan on'genma?**

Inghing, tangka-paisani gita dakchakaniko bilsa bonganasan on'aigen. Ia PES scheme-ni ningo dakchakaniko man'a gita buring-bolgrimko na'a/na'simang komibeomangba bilsa 30-na ripingna gita on'kangna nangen.

**6) Bilsa 5 ja'man PES scheme bonjoko mai ong'skagen?**

PES scheme-ni ningo dakchakaniko man'e jerangan buring-bolgrimko name simsak-ripinganio chu'sokgipa ong'a, sorkari PES scheme-ni ningo mikkangchi jedakode tangka-paisani gita dakchakanirangko man'angkuna amna gita gipin national aro international bajar-rang baksa chapataniko dakatgen.

**7) Anga/Chinga ripinggenggipa buring-bolgrimni nokgipa mancha ong'a.Indake ong'genoba, mitam nokdangrang jearangan salantio janggi tanggnina ianonikon jakkale tangenga. PES-oniko namgniko on'enggipara angni/chingni sakannisan ong'aigenma?**

Inghing.

PES scheme-ni miksonganiara ong'telaigipa buring-bolgrimo pangchake janggi tanganiko komiatna, jedakode uarangko mikkangchi ru'uta bilsirangona ripingangna man'gen. Buring-

bolgrimrango pangchake janggi tangenggipa sakantina PES-oniko man·gimin namgnirangko sual-tikatjagenode, uamango salantio janggi tangna gita gipin pangchakani cholgrie uamang nang·ni/na·simangni ripingenggipa buring-bolgrimrango jakkalen janggi tangangkuaigen. Ian uarangko ripingna nengnikaniko ra·bagen, jeni aselan ia PES scheme-oniko nangko/ na·simangko namgniko man·atna gita amatjawa. **Nang·ni ripingenggipa buring-bolgrimko darangba ong·gija dake jakkaljagenchim ong·osa, na·a dakchakaniko man·a gita amgen.** Namgnirangko ka·mao Sing·ani 9-o on·soe agantalata.

- 8) **Anga Nokma ong·a aro ango ripinggimin buring-bolgrimba donga indiba anga uko angni songni manderangna, uamangni salantio nanganirangna jakkalna gita on·manaha. Iana tangka-paisani gita dakchakaniko man·on uko anga saksantang nanganina jakkalna gita man·genma ma uko songni manderang baksa su·al·grikna gita nanggen?**

Tangka-paisani gita man·gimin dakchakanirangko buring-bolgrimoniko jakkalenggipa manderang baksa su·al·ra·ronna gita nanggen. Iana skanggipa sing·anio janapbagimin gita, man·gimin namgnirangko, jerangan buring-bolgrimo pangchake janggi tangenga uarang baksa su·al·ra·ronjagenode, uamang buring-bolgrimoniko jakkalen janggi tangangkuaigen, jean nang·ni, uarangko ripinggnina nengnikaniko ra·bae, scheme-ni ningo namgniko man·gnioniko, man·atjana gita ama. Ka·mao Sing·ani 9-giapo janapgimin gita man·gimin namgnirangko uko ba uonikon jakkalenggipa aro uarango pangchake janggi tangenggipa sakanti baksan su·la·ra·rongrikna gita nanggen.

- 9) **Anga Hima/Raid ong·a aro ripingenggipa buring-bolgrim angni simsak-nirokani ningo ong·a. indake ong·genoba, Songni manderang jearangan ua bolgrimni sambajolo songdong-achaa uamang uonikon uamangni nanganikani gita jakkala, Anga PES-ni ningo man·gimin namgnirangko uaragoniko, uamangni nanganina jakkalenggipa manderang baksa su·al·ra·rongrikna gita nanggenma?**

Oe, man·gimin dakchakanirangko buring-bolgrimoniko jakkalenggipa manderang baksa su·al·ra·ronna gita nanggen. Iana 6 sing·anio janapbagimin gita, man·gimin namgnirangko, jerangan buring-bolgrimo pangchake janggi tangenga uarang baksa su·al·ra·ronjagenode, uamang buring-bolgrimoniko jakkalen janggi tangangkuaigen, jean nang·ni, uarangko ripinggnina nengnikaniko ra·bae, scheme-ni ningo namgniko man·gnioniko, man·atjana gita ama. Ka·mao Sing·ani 6-giapo janapgimin gita man·gimin namgnirangko uko ba uonikon jakkalenggipa aro uarango pangchake janggi tangenggipa sakanti baksan su·la·ra·rongrikna gita nanggen.

- 10) **Tangka-paisani gita man·gimin dakchakanirangko a·nokgipa aro uonikon jakkalskaengiparangi gisepgriko baditagrik su·al·ra·ronna gita nanggen?**

On·gimin pangchakanio (guidelines)janapagimin gita

PES-o chamgimin tangka-paisarangko buring-bolgrimo dakgni kamrangnasa on·a. Gitchakuengipa tangka-paisarangko a·nokgipa aro buring-bolgrimoniko jakkale janggi tangengiparang baditagrik uamangni gisepo su·ale ra·kgrikgen ukode uamangna, an·tangtangrik tik ka·grikna gita nanga.

- 11) **Nokgipa ong·ani sakkiko mesokna, mai lekkarangko (documents) on·a gita man·gen?**

On·sogiminoni je lekkakoba on·a gita man·gen:

- a. Patta
- b. Sorkarini on·gipa Land registration certificate
- c. Ku·pake pakwataniko see on·ani lekka (Sale Deed)
- d. Man·rikaniko see onani lekka (Gift Deed)
- e. Mal·gam badita donga uko mesokani lekka (Deed of Declaration)

- f. Nokgipani palo, saoba uni gam-mal ba tangka-paisani gita bilko man·gipa (Power of Attorney)
- g. Bregipani, palgipana baditako (Gamchataniko/damko) gamaha uko mesokani lekka (Consideration to Sale)
- h. Phara ra·gipa aro Phara on·gipani gisepo, phara on·anio segrikani lekka (Lease Deed)

**12) Chingni songo 250 ha ripinggimin buring-bolgrim donga. Ia scheme-ni ningo bilsil prako badita Gong tangka-paisarangni gita anga/chinga dakchakaniko man·gen?**

**I. Songrangni ba jatrangni ba Maharirangni ripinggipa buring-bolgrim ong·genode**

- a. On·gimim pangchakanirango (Guidelines)janapgimin gita Songni ba Jatni ripinggimin-buring bolgrimna na·simang bilsiprako hectare prako tangka gonga 8000/-ko man·gen. Uni ja·man dongkuenggipa hectare 50-na ia tangkani 50%-ko man·skagen jean hectare prako bilsil prako tangka gong 4000/- ga·akea. Iani ja·mano aroba dongkuenggipa buring-bolgrimrangna kosako janapgimin chamgimin tangkani 25%, jean hecatare parako bilsil prako 2000/- ka·e ga·akea. Indake 250 hectare-ni a·arangnara, chu·gimik bilsil prako on·sogimin gita tangka-paisarangko man·gen

$$50 \text{ hectare} \times \text{Rs.}8,000 = \text{Rs. } 4,00,000/-$$

$$50 \text{ hectare} \times \text{Rs.}4,000 = \text{Rs. } 2,00,000/-$$

$$\underline{150 \text{ hectare} \times \text{Rs. } 2,000 = \text{Rs. } 3,00,000/-}$$

$$\text{Chu·gimik: } 250 \text{ hectare-rang} = \text{Rs. } 9,00,000/-$$

- b. Kosako janapgimin tangka-paisarangna agreba ripinggimin buring-bolgrimko Community Reserve ine register ka·aha ong·ode tangka gong 5000/-ko skanggipa 50 hectare-na man·dapkugen, tangka gong 2500/-ko dongkuenggipa hectare 50-na aro bangki donggengkugipa hectare-rangna tangka 1,660/-koba man·kugen. 250 hectare-rangna chu·gimik on·sogimin gita namgnirangko man·anggen:

$$50 \text{ hectare} \times \text{Rs.}5,000 = \text{Rs. } 2,50,000/-$$

$$50 \text{ hectare} \times \text{Rs.}2,500 = \text{Rs. } 1,25,000/-$$

$$\underline{150 \text{ hectare} \times \text{Rs. } 1,660 = \text{Rs. } 2,49,000/-}$$

$$\text{Chu·gimik: } 250 \text{ hectare-rang} = \text{Rs. } 6,24,000/-$$

- c. Bonkame, nang·ni ripingenggipa buring-bolgrim namen chatgipa ba jatni ripingenggipa ine mingako man·gipa ba Tanggipa prap bolni ja·dilirangchi jallang ka·ni dongggipa ba simsak-rippingenggipa a·jol ong·genode indide na·a on·dapgipa Tangka Gong 2000/-ko skanggipa hectare 50-na, Tangka Gong 1000/-ko donkuenggipa hectare 50-na aro aro bangki dongkuenggipana Tangka Gong 500/-ko man·gen.Hectare 250-na chu·gimik bilsil prako man·agipa tangka-paisarangko ka·mao hisape mesokatenga:

$$50 \text{ hectare} \times \text{Rs.}2,000 = \text{Rs. } 1,00,000/-$$

$$50 \text{ hectare} \times \text{Rs.}1,000 = \text{Rs. } 50,000/-$$

$$\underline{150 \text{ hectare} \times \text{Rs. } 500 = \text{Rs. } 75,000/-}$$

$$\text{Chu·gimik: } 250 \text{ hectare-rang} = \text{Rs. } 2,25,000/-$$

Indake, na·simang ma·na kragipa ong·genode komibeomangba ripingengipa buring-bolgrimna hectare- 250-na **Tangka Gong 9,00,000/- bilsil prako man·gen** aro bangbate man·aniara bilsil prako **Tangka Gong 17,49,000/- ong·gen**.

## II. **Saksantangni ripingenggipa buring-bolgrim ong·genode**

- a. Saksantang buring-bolgrimko ripingenggipa, ia on·sogimin gita tangka-paisarangko man·gen:

Skanggipa 25 hectare-na : Rs.8000 hectare prako bilsil prako  
Dongkuenggipa 25 hectare-na : Rs.4,000 hectare prako bilsil prako  
Dongdapkuenggipa 50 hectare-na batgipana : Rs.2,000 hectare prako bilsil prako

- b. Iana agreba buring-bolgrimko Forest Department-o Community Reserve ine register ka·aha ong·genode, on·sogimin tangka-paisarangko janapgimin gita man·gen:

Skanggipa 25 hectare-na : Rs.5000 hectare prako bilsil prako  
Dongkuenggipa 25 hectare-na : Rs.2,500 hectare prako bilsil prako  
Dongdapkuenggipa 50 hectare-na batgipana : Rs.1,660 hectare prako bilsil prako

- c. Bonkame, ripingenggipa buring-bolgrim namen chatgipa ba jatni ripingenggipa ine mingako man·gipa ba Tanggipa prap bolni ja·dilrangchi jallang ka·ni dongggipa ba simsak-rippingenggipa a·jol ong·genode on·sogimin mesokatenggipa tangka-paisarangko man·gen :

Skanggipa 25 hectare-na : Rs.5000 hectare prako bilsil prako  
Dongkuenggipa 25 hectare-na : Rs.2,500 hectare prako bilsil prako  
Dongdapkuenggipa 50 hectare-na batgipana : Rs.1,660 hectare prako bilsil prako

- d. Indake, ma·na kragipa ong·genode, saksantang ripengenggipaba komibeomangba buring-bolgrimna hectare 250-na **Tangka Gong Rs.7,00,000/-bilsil prako** aro bangbate man·aniara bilsil parako **Tangka Gong 13,94,500/-bilsil prako ong·gen**.

### 13) **Rippinggimin buring-bolgrimko, scheme-na dorgasto galna skangan register ka·manaha ong·genode, angara on·dapenggipa Tangka Gong 5000/-kora man·genma?**

Oe, ua ripingenggipa buring-bolgrim jekon register ka·ahachim, uarang on·gimin pangchakanirango (guidelines) janapgimin gita on·dapenggipa tangka-paisarangko mesokatenggipa gita man·gen:

#### **Songrangni/Jatrangni aro Maharini ong·genode**

Skanggipa 50 hectare-na : Rs.5000 hectare prako bilsil parako  
Dongkuenggipa 50 hectare-na : Rs.2,500 hectare prako bilsil parko  
Dongdapkuenggipa 100 hectare-na batgipa-na : Rs.1,660 hectare prako bilsil prako

#### **Saksantang ripingenggipa ong·genode**

Skanggipa 25 hectare-na : Rs.5000 hectare prako bilsil prako  
Dongkuenggipa 25 hectare-na : Rs.2,500 hectare prako bilsil prako  
Dongdapkuenggipa 50 hectar-na batgipana : Rs.1,660 hectare prako bilsil prako

14) Angni/Ching brangengipa buring-bolgrimko anga/ching songni ripingenggipa buring-bolgrim (Community Reserve) ine register ka·kuja aro anga/chinga register ka·na gita sikenga. Anga/Chinga bano register ka·na gita man·gen?

Nang·ni/Na·simangni ripingenggipa buring-bolgrimko songni ripingenggipa buring-bolgrim (Community Reserve) ine register ka·na gita, je State Forest Department-ni Wildlife Division-ona re·angenba register ka·ena gita man·aigen:

Sl. No	Division-ni Biming	Sl. No.	Biming	Range-ni Biming aro Address	Bilni ningo (Jurisdiction)	Contact No.-rang
1	<b>Khasi Hills Wildlife Division, Shillong</b>	1	Shri Leening S J Wahlang	Headquarter Range Address- Forest Management Building, Lower Lachumiere, Shillong	East Khasi Hills District gimikna, Mawlai C & RD Block-ko mangmangko gale	9436998440 shillongrohqwildlife@gmail.com
		2	Shri Leening S J Wahlang	Nongpoh Range Address- Nongpoh Wildlife Range, Near o/o DFO, Social Forestry, Nongpoh	Ri-Bhoi District gimikna, Bhoiymbong C & RD Block-ko mangmangko gale	9436998440 wildlifengpoh@gmail.com
		3	Smti Evanylla Iangap Mawrie	Lum Nehru Park Address- Near Water Sport Complex, Orchid Hotel, Umiam, Ri-Bhoi District.	Mawlai C & RD Block (East Khasi Hills District) aro Bhoiymbong C & RD Block (Ri-Bhoi District)	9436998464 ronehruparkwildlife@gmail.com
		4	Smti Yoowandak a Najiar	Nongstoin Range Address- Mawiaban, Nongstoin, West Khasi Hills	West Khasi Hills District aro Eastern West Khasi Hills District	9436998481 lhp.zoorange@gmail.com
		5	Smti Yoowandak a Najiar	Nongstoin Range Address- Wildlife Beat Office, Opp. District Court, South West Khasi Hills	South-West Khasi Hills District	9436998481 wildlifensr@gmail.com
2	<b>Jaintia Hills Wildlife Division, Jowai</b>	1	Shri Shanbormiki Law	Umkiang Range & Jowai Range	Jaintia Hills	9862872890
3	<b>East &amp; West Garo Hills (WL) Division, Tura</b>	1	Shri Suman B Marak	Park & Protection Range Tura		8787592564
		2	Smti Jezebeld N Arengh	Daddengre Range		9612470235 jezebeldarengh@gmail.com

		3	Smti Annie Valentina Ch Marak	Northern Nokrek Range & Williamnagar Protection Range		9612401003 anniemarak2@gmail .com
		4	Shri Chagla M Sangma	Southern Nokrek Range		8011341767
4	<b>Balpakram National Park Division, Baghmara</b>	1	Shri Chingseng Claya Momin	Mahadeo Wildlife Range P.O Mahadeo P.S Rongara South Garro Hills		98622 11292 cgm06400@gmail.c om
		2	Shri Grahambell Sangma	Siju Wildlife Range P.O Siju P.S Baghmara South Garro Hills		93662 57794 grahambellsangma33 1@gmail.com
		3	Shri Greenfield Ch. Marak	Baghmara Wildlife Range P.O & P.S Baghmara South Garro Hills		7005867143 gfield304@gmail.co m
		4	Shri Chingseng Claya Momin	Rongara Wildlife Range P.O & P.S Rongara South Garro Hills		98622 11292 cgm06400@gmail.c om
		5	Shri Chingseng Claya Momin	Chimitap Independent Beat P.O & P.S Rongara South Garro Hills		98622 11292 cgm06400@gmail.c om

15) Anga/chinga, chingni ripingenggipa buring-bolgrimko songnokni ripingenggipa (Community Reserve)ine register ka·jokode, nokgipa ong·aniko gima·atgenma?

Inghing, Nokgipa ong·aniko maming dakeba dingtangtjawa

16) Angni/chingni ripingenggipa buring-bolgrimko District Council-o register ka·manhaoba, Forest Department-o ka·etaikuna gita man·aigenma?

Oe

17) Maikai angni/chingni ripingenggipa buring-bolgrimara chatgipa (dense) ong·a ine ui·na gita man·gen?

Buring-bolgrimni chata-chatgijaniko ui·na gita MBDA office Forest Survey of India (FSI)-ni tarigimin data-ko nieba chatgipa ong·ama ong·ja uko mesoka on·gen.

18) Maikai angara/chingara, angni/chingni ripingenggipa buring-bolgrimara Eco-sensitive zone-o ga·akea ine ui·na gita man·gen?

MBDA, Forest Department-ni data-ko nien uko mesoka on·gen

19) Ia pilak janapgimin kamrangna anga/chinga utilisation certificate-ko on·a gita nanggenma?

Nang·ni ka·gimin kamrangnasan na·a Jakkalani Certificate-rangko (Utilization Certificates) on·a gita nangaigen. Jensoanio find-ko man·sojokon on·sogimin lekbarangko (documents) name dake donenba uarangko office-ona nangan somaio on·ena gita nanggen.

- a. **Man·soaha ine sakkiko on·ani rosit (Acknowledgement Receipt):** Ia lekkaio, (document) on·atgimin tangka-paisarang nang·ni bank account-ona sokbaha aro man·soaha ine na·a see soi ka·na gita nanggen. Ia lekkaio (document)-ara ia scheme-ni ningo na·a fund-rangko man·soaha ine mesoka. Tarigimin lekka paltakko nangna on·gen, jeon na·a gapate, uko on·epilna gita nanggen.
- b. **Koros ka·giminrangko janape mesokani (Statement of expenditure):** Jen somaio chamatgimin tangka-paisarangko jakkalaha, mai mai kamrangna badita tangka-paisarangko jakkalahachim, uarangko sulsul dake mesoke on·eani,
- c. **Voucher-rang aro Bill-rang:** Iarang bil-rang ong·a, voucher-rang, rosit-rang ugitarang, jekon nangna palgipa-simgiparang nang·ni uamangoniko ia fund-oniko kamrangna bosturangko brean somaio on·gen. Nang·ni nangana boustu ra·e, koros ka·r tangka gama changantian bill-rangko ra·na gu·alnabe.

**20) Anga/Chinga ia program-o bak ong·manan jaman, bilsa 30 gapna skangan ia program-oni ong·katna gita man·aigenma?**

Oe, Na·a/Na·simang bilsa 30 gapna skangan ia program-oni nangni/na·simangni namnika somaio ong·katna gita man·aigen. Indake ong·genoba, na·simang ua somaimitingo man·a nanggipa dakchakaniko aro mikkangchi man·angkugnigipa dakchakanirangko man·skajawajok. Arobatai, nang·ni watani aselo pangchakgen, jeon na·a mikkangchi indakgipa gipin scheme-rango bakko ra·e namgniko ma·na gita cholko man·jawajok, jekon gipin gisik nangenggipa songrangna on·angskagen.

**21) Ia scheme-ni ningo buring-bolgrimrangko ripinggnina dakgimin songgigrikaniko (agreement) pe·genchim ong·ode, anga/ching daiko gamna gita nanggenma?**

Inghing, Iani ningo daiko gamna nangani dongja. Indake ong·genoba, badiaba dol songgigrikaniko (agreement) pe·genchim ong·ode, ia scheme-ni ningo uamang maming dakeba tangka-paisani gita dakchakaniko man·jawaha aro un baksana mikkangchi indakgipa scheme-rango bak ra·na gitaba man·jawaha.

**22) Angni/chingni ripingenggipa buring-bolgrimo, pale-sime/ badingchiwale cha·na ge·gimin bolpangrangba donga, chingara iako man·a kragipa ong·genma?**

Angni/chingni Inghing, brangimin bolgrimo pale-sime cha·agnina/badingchiwalgnina ge·gimin bolrang donggenode iako man·a gita amjawa. Pale-sime cha·agnina/badingchiwalgnina ge·gimin bolrangko ge·gipa tok dingtangta ong·genode aro ripingenggipa bolrang tok dake dingtange ripinggin aro ge·gimin ong·ode aro ripingenggipa ong·telaigipa-buring-bolgrimni aplani komibeomangba hectare 5 ong·genode iako man·a gita kragipa ong·gen.

**23) Ango adita a·arang donga, jeon pale-sime/ badingchiwale cha·na ge·gimin bolpangrangba dongna baksana miitam bakde ong·telaigipa buring-bolgrimko ripingenggipa bak ong·a. Angara dakchakaniko man·a gita amgenma?**

Ong·telaigipa buring-bolgrim donggipa baknasan dakchakaniko on·aigen, uni dalani/aplaniko janapbo aro uni dalani/apalani komibeomangba hecatare 5 ong·na gita nangtelgen.

**24) Angni ripingenggipa buring-bolgrimni a·ani aplani hecatare 5-na bate komibata. Angra bak ra·na gita man·pagenma?**

Nang·ni/Na·simangni ripingenggipa buring-bolgrimni a·ani dalani hecatare 5-na bate komibata ong·genode, na·a gipin apsan dake ripingenggiparang baksa chaprime hectare 5 gapatenba dolni

biapo ina dorgastoko on·skana gita man·skagen, Iako ma·sie ra·skabo je iako dakengon nang·ni, a·ani sima-arini sepangbatgipa a·sul baksasan iako dakna gita man·aigen.

**25) Chinga dolni gita dorgasto galon sani bimingni ningo galbo?**

Dol, member-rangoni jeni bimingchiba galna gita man·aigen, aro bank account ge·sako on·a gita nanggen, jeonan dakchakgnigipa tangka-paisarangko watatgen. Dorgastoo member sakprako, sawa badita a·ani dalanio/apalano buring-bolgrimrangko ripingenga uko namedake janapna gita nanggen jedakode man·a nangani kri namgniko sualna gita man·gen